

**Cogitationes, Sive Considerationes Christianae Pro  
singulis Anni diebus**

Complectens Julium, Augustum, Septembrem

**Nepveu, François**

**Monachii, 1709**

Dies 6. De morte inopinata.

---

[urn:nbn:de:hbz:466:1-60520](https://nbn-resolving.de/urn:nbn:de:hbz:466:1-60520)

September. Dolor meus super dolorem: in me cor  
meum mærens. *Ierem. 8. 18.*

Pœnitentiam certam non facit, nisi o-  
dium peccati. Aug.

## DIES VI.

## De Morte Inopinata.

## I.

*Matth. 25.  
12.*

*Luc. 12.  
v. 40.*

Quando mors ventura sit, ignoramus. Ideò Christus nos hortatur: Vigilate,  
quia nescitis diem, neque horam. Verum e-  
tiam ex ipsius testimonio scimus, eam tunc  
venturam, cùm minimè arbitrabimur, quæ  
hora non putatis. Itaque inopinus mortis  
adventus non minùs est certus, quæm in-  
certitudo diei mortis; cùm hæc veritas non  
minùs, quæm altera nitatur Verbo Dei,  
qui fallere non potest. *Qua hora non puta-*  
*tis, inquit, Filius hominis veniet. Veniet,*  
*ut fur, cuius finis est ex improviso oppri-*  
*mere, quia propositum suum non nisi frau-*  
*de ad optatum exitum perducere potest.*  
*Id nobis tam potenter ostendit in Parabola*  
*illa de Virginibus, è quibus quinque fatuæ*  
*ab inopinato sponsi adventu fuere occu-*  
*patæ. Nullam veritatem Servator tan-*

to-



topere mentibus nostris, quām istam im- september.  
primere studuit, probè gnarus, quanti ea  
ponderis esset. Eum textibus tam expres-  
sis, & toties iteratis nobis evidentem reddi-  
dit, eandem clarissimè comparationibus,  
similitudinibus, & exemplis proposuit.  
Poteratne plus præstare, ut nos ad vigilan-  
dum, nobisque semper attendendum im-  
pelleret?

II. Christus Dominus nos non terret, nisi ut tutos præstet. Non minatur, se nos de improvisò occupaturum, nisi ex de-  
siderio, quod habet, præcavendi, ne ex improvisò opprimamur, utque nos doceat omnia tentare ed evitandum repentinum mortis adventum, cujus funestos exitus ipse prævidet, quos nos ipsi non satis comprehendimus. Is cæcitatem nostram per-  
spicit, ejusque miseretur, & omnem mo-  
vet lapidem, ut eam à nobis avertat. Væ nobis, si ad omnia hæc lumina oculos oc-  
cludimus. Is videt languorem nostrum; idcirco omnibus hisce minis nos excitare cupit. An non torpor iste multùm de morte participat? si minæ adeò terribiles ab eo nos non absterrent, contestatur, se nos, cùm nihil minus cogitabimus, oppres-  
surum. Faciamus ei hanc oblationem, nempe aliqua ratione eum decipiamus,

con-



**September.** continuò vigilando, rebúsque nostris semper prospiciendo: si enim præparationi ad mortem semper intenti sumus, mors venire non poterit, quin ad eam excipiendam inveniamur parati.

III. Adverte, Servatorem nobis non dicere: Præparate vos ad mortem, cùm ea in januis est. Sed: *estote parati.* Ut nobis significaret, tunc non amplius esse tempus ad mortem se parandi, cùm ea advenerit, sed jam paratos esse oportere. Certa quædam negotia sunt, quæ exigunt, ut prævertantur: tempus amplius non est ad ea se parandi; ubi quis ijs obruitur, tempus non est, cogitandi, qui arcis cujdam provideri possit de instructu bellico, & annona, ubi hostis obsidionem paravit; tempus non est cogitandi de præparatione ad grande iter maritimum, ubi vela jam sunt expansa. Eritne tempus de bonis operibus tibi providendi, cùm mors hostis instar implacabilis subito te obruet, & obsidebit, vires que tibi intercipiet boni quid agendi. Eritne tempus cogitandi de faciendo apparatu ad iter tantum, quantū est iter à tempore ad æternitatem, eo ipso momento, quo hinc discedendū est, & quo pronuntiabitur terribilis illa sententia: *morieris tu, & non vives.*




vives. Intra momentum moriendum est. *September.*  
estne tunc tempus dicendi : *dispone domui  
tuæ.* Omnia negotia tua compone ? Ah ! *Isa. 38. v. 3.*  
forsitan nec cogitare hac de re cœpisti; & jam  
migrandum est. Tota vita nimis longa  
non est, ad faciendum apparatus pro tanto,  
tantique momenti itinere : & tu eum  
intra momentum facere cupis ? quam ri-  
diculum consilium !

*Cum mors inopinata tanti momenti sit, statue  
vigilare, & quavis die vivere, quasi quævis sit  
futura vitæ tuæ ultima. Elige insuper singulis  
mensibus diem certam, qua te peculiariter ad  
mortem pares.*

Estote parati, quia qua hora non puta-  
tis, filius hominis veniet. *Luc. 12. v. 4.*

Latet ultimus dies, ut observentur omnes  
dies. *Aug. Homil. 13.*



## DIES

